

Euskararen arauak eta erabilerak

Idazlana: oharrak

2017-2018 ikasturtea

Larraitz Zubeldia
larraitz.zubeldia@ehu.eus

Arauak eta Hiztegi batua

- Norberari adierazitakoak. Kontuan hartu hurrengo idazlanean.

Gramatika

- **Ergatiboa**

- Punta-puntako teknologia-enpresa guztiak diru mordoa inbertitzen dute adimen artifizialeko arlo guztietan.
 - Punta-puntako teknologia-enpresa guzti**ek** diru mordoa inbertitzen dute adimen artifizialeko arlo guztietan.
- Beste arazoetako bat da filmetan agertzen diren teknologiak sortutako mundu distopikoak gure errealitatean gertatzea.
 - Beste arazoetako bat da filmetan agertzen diren teknologi**ek** sortutako mundu distopikoak gure errealitatean gertatzea.

Gramatika (II)

- **Mugagabea**

- Mundu zientifikoan oso ezagunak diren hainbat pertsonek hainbat alditan hitz egin dute gai honi buruz.
 - Mundu zientifikoan oso ezagunak diren hainbat **pertsonak** hainbat alditan hitz egin dute gai honi buruz.

Gramatika (III)

- **-z moduzkoa**

- #Oso ondo jokatu zuen, txapelketa irabaziz.
 - Oso ondo jokatzuz, txapelketa irabazi zuen.
- Daukaten boterea izugarria da, ez baitaukate lehiakiderik, eta, izanez gero, erosi egiten dute haien patrimonioa handituz.
 - Daukaten boterea izugarria da, ez baitaukate lehiakiderik, eta, izanez gero, erosi egiten dute, **eta** haien patrimonioa **handitzen dute**.
- Alde batetik, ezkerreko erreiera pasatzea erabakitzen badu, bertan dagoen motorraren aurka kolpatuko gara, bera eroriz eta gure salbamina lortuz.
 - Alde batetik, ezkerreko erreiera pasatzea erabakitzen badu, bertan dagoen motorraren aurka kolpatuko gara; (**eta**) bera **erori** eta gure salbamina **lortuko dugu**.

Gramatika (IV)

- **Bera/berdin**

- EHULKU: Bera/berdin.

http://www.ehu.eus/documents/2660428/2753082/bera_berdin.pdf

- Baina ez da berdina erabiltzea eta erabiltzen jakitea.
 - Baina ez da **gauza bera** erabiltzea eta erabiltzen jakitea.
- Gure lan berdina egin dezaketen robotak sortuko dituzte.
 - Gure lan **bera** egin dezaketen robotak sortuko dituzte.

Gramatika (v)

- **Bat**

- Informatika berdea deiturikoa informatika jasangarriago bat edukitzeko helburuarekin sorturiko mugimendu bat da.
 - Informatika berdea deiturikoa informatika **jasangarriagoa** edukitzeko helburuarekin sorturiko **mugimendua** da.
- Nahiko zaila iruditzen zait noizbait hori errealitate bat izatea, baina nork daki norainokoa izango ote den robotaren inteligentzia etorkizun batean.
 - Nahiko zaila iruditzen zait noizbait hori **errealitate** izatea, baina nork daki norainokoa izango ote den robotaren inteligentzia **etorkizunean**.

Gramatika (VI)

- **ere**

- Garai honetako da ere liburu elektronikoen irakurgailuen sorrera.
 - Garai honetako da, **baita ere**, liburu elektronikoen irakurgailuen sorrera.
 - Liburu elektronikoen irakurgailuen sorrera ere garai honetako da.
- Egia da ere informatikak materialak berrerabiltzeko aukera eskaintzen digula.
 - Egia da, **baita ere**, informatikak materialak berrerabiltzeko aukera eskaintzen digula.

Gramatika (VII)

- **baita ere / ere bai**

- Horrek beste estatuen menpekotasuna areagotzen du Estatu Batuekiko, baita gizabanakoen askatasuna murriztu.
- Horrek beste estatuen menpekotasuna areagotzen du Estatu Batuekiko, **baita** gizabanakoen askatasuna murriztu **ere**.
- Gaur egun denok ezagutzen dugun tresna da Internet, eta horren barruan zer aurki dezakegun baita.
- Gaur egun denok ezagutzen dugun tresna da Internet, eta horren barruan zer aurki dezakegun **ere bai**.

Gramatika (VIII)

- **ezta ere**

- Adimen artifizialak dakartzan arriskuei buruz, ez dugu dramatiko jarri behar, baina ez duguitsuak izan behar ere.
- Adimen artifizialak dakartzan arriskuei buruz, ez dugu dramatiko jarri behar, baina ez duguitsuak izan behar ezta ere.

Gramatika (IX)

- **Komunztadura**

- Horren adibide da Erresuma Batuan Lehen eta Bigarren Hezkuntza osoan zehar programatzen ikasteko jasoko dituzten eskolak.
 - Horren adibide **dira** Erresuma Batuan Lehen eta Bigarren Hezkuntza osoan zehar programatzen ikasteko jasoko dituzten eskolak.

Gramatika (X)

- **hobeago**
 - hobe
- **nagusi**
 - Gaur egun kezkatzen gaituen kontu nagusienetariko bat Internet da.
 - Gaur egun kezkatzen gaituen kontu nagusietariko bat Internet da.

Gramatika (XI)

- **Erlatibozko perpaus makurrak**

- Enpresa gutxi batzuk izan dira sarearen boterea hartu dutenak.
 - Enpresa gutxi batzuek hartu dute boterea sarean.
- Erabiltzaileen arloan, berriz, gu geu gara aplikazio bat erabiltzeko orduan baldintzak arretaz irakurri eta onespena sinatuko dugunak.
 - Erabiltzaileen arloan, berriz, **guk geuk** irakurriko ditugu baldintzak arretaz eta onespena sinatuko aplikazio bat erabiltzeko orduan.

Gramatika (XII)

- egin

- Ataza horiek entzuterako orduan marka batekin erlazionatu egiten ditugu beti.
 - Ataza horiek entzuterako orduan marka batekin erlazionatzen ditugu beti.

BAINA

- Daukaten boterea izugarria da, ez baitaukate lehiakiderik, eta, izanez gero, erosten dute, eta haien patrimonioa handitzen.
 - Daukaten boterea izugarria da, ez baitaukate lehiakiderik, eta, izanez gero, erosi **egiten** dute, eta haien patrimonioa handitzen.

Estilo zaindua

- **Puntuazioa**

- Subjektuaren ondoren, komarik ez.
- Mendeko perpausak koma artean.
- Lokailuak koma artean, edo puntu eta koma eta koma artean.
- Oro har, aditzondoei, sintagmei, mendeko perpausei, etab. ondoren koma jartzen bazaie, aurretik ere bai.

4. gaian landuko dugu.

Estilo zaindua (II)

- **Testu-antolatzaileak**

- Erabili
- Ez erabili beti berak.

4. gaian landuko ditugu.

Estilo zaindua (III)

- **Esaldiaren hurrenkera**

- Askotan, komeni izaten da aditza aurrean jartzea, ulergarritasunaren mesedetan.
- Horrekin baliabideak trukatzeko beste bide bat dagoela adierazi nahi dut.
 - Horrekin **adierazi nahi dut** baliabideak trukatzeko beste bide bat dagoela.
- Beste arazoetako bat filmetan agertzen diren teknologiek sortutako mundu distopikoak gure errealitatean gertatzea da.
 - Beste arazoetako bat **da** filmetan agertzen diren teknologiek sortutako mundu distopikoak gure errealitatean gertatzea.

4. gaian landuko dugu.

Estilo zaindua (IV)

- **Suposatu**

- EHULKU: “Suposatu” I-VI

<http://www.ehu.eus/documents/2660428/2752155/suposatu1.pdf> (I)

- Horrek instalazio- eta mantentze-kostu altuak suposatzen ditu.
 - Horrek instalazio- eta mantentze-kostu altuak **dakartza**.

Estilo zaindua (v)

- **Eman**

- EHULKU: Eman/gertatu.

<http://www.ehu.eus/documents/2660428/2752155/eman-gertatu.pdf>

- Konexio guztiek puntu batetik igaro behar dutenez, komunikazioak errazago atzematen dira, eta, ondorioz, askatasun-murrizketa eta zigor-kasuak eman ohi dira.
 - Konexio guztiek puntu batetik igaro behar dutenez, komunikazioak errazago atzematen dira, eta, ondorioz, askatasun-murrizketa eta zigor-kasuak **izan** ohi dira.

Estilo zaindua (VI)

- **Burutu**

- EHULKU: “Burutu” aditza.

<http://www.ehu.eus/documents/2660428/2753547/burutu.pdf>

- Ordenagailuek zuten *hardwareak* ez zeukan behar bezalako indarra programek behar zituzten instrukzioak modu eraginkorren burutzeko.
 - Ordenagailuek zuten *hardwareak* ez zeukan behar bezalako indarra programek behar zituzten instrukzioak modu eraginkorren **egiteko**.

Estilo zaindua (VIII)

- **Izen-kohesioa**

- Bestalde, errealitatean enpresa gutxi batzuk ari dira hornitzaile nagusi eta bakar bilakatzen, hala nola Google, Facebook, Twitter, Amazon edota Microsoft, eta hauekin lehiatzea ia ezinezkoa da.
 - Bestalde, errealitatean enpresa gutxi batzuk ari dira hornitzaile nagusi eta bakar bilakatzen, hala nola Google, Facebook, Twitter, Amazon edota Microsoft, eta **horiekin** lehiatzea ia ezinezkoa da.
- Beste arlo garrantzitsuetako bat txatbotak dira. Hauek gizakiekin hizkuntza naturala erabiliz hitz egiteko gai diren robotak dira.
 - Beste arlo garrantzitsuetako bat txatbotak dira, **Ø** gizakiekin hizkuntza naturala erabiliz hitz egiteko gai diren robotak.

Estilo zaindua (IX)

- **Izen-kohesioa**

- 1997an IBM DeepBlue superordenagailuak munduko xake-jokalari onena garaitu zuen partida batean. Garaipen honek adimen artifizialaren indarra erakutsi zion munduari, eta hori jada orain dela 20 urte gertatu zen.
- 1997an IBM DeepBlue superordenagailuak munduko xake-jokalari onena garaitu zuen partida batean. Garaipen **hark** adimen artifizialaren indarra erakutsi zion munduari, eta hori jada orain dela 20 urte gertatu zen.

Estilo zaindua (x)

- Izen-kohesioa

Hau/hori/hura banaketaz

- *Hau* eta *hori/hura*, biak erabili izan dira literatura-tradizioan anafora gisa.
 - Aski genuke, adibidez, “batze” edota nik neronek usatu dudana “bateratze”.
Honek ere badu, ordea, bere koska: ... (Mitxelena)
 - Ikasleak **irakasleari** galdetu dio, baina *hark* ez dio erantzun.
Ikasleak **irakasleari** galdetu dio, baina *irakasleak* ez dio erantzun.
#Ikasleak **irakasleari** galdetu dio, baina *honek* ez dio erantzun.
- Katafora gisa, berriz, *hau* bakarrik erabiltzen da.
 - Ikasleak (*honako*) *hau* galdetu zion irakasleari: ...
- Hala, zilegi litzateke testu zientifiko-teknikoetan bereizketa egitea, argitasunaren izenean.

Estilo zaindua (X)

- **Desberdin/ezberdin**

- EHULKU: “Desberdin” (I-III)

http://www.ehu.eus/documents/2660428/2752155/Desberdin_1.pdf

- Horien artean, hauek ditugu: *Scratch eta adagide* (algoritmika eta programatzen ikasteko) edo *RaspberryPi* (sarrera-irteera gailu desberdinak maneiatzen ikasteko).
 - Horien artean, hauek ditugu: *Scratch eta adagide* (algoritmika eta programatzen ikasteko) edo *RaspberryPi* (**hainbat** sarrera-irteera gailu maneiatzen ikasteko).

Estilo zaindua (x)

- **Bezala**

- EHULKU: Kalko okerrak: “bezala”.

<http://www.ehu.eus/documents/2660428/2752586/bezala.pdf>

- Ordea, Apple bezalako enpresen ondorioz jendeak nahiago izan du (...)
 - Ordea, Apple **en moduko** enpresen ondorioz jendeak nahiago izan du (...).
- Botere hori lortzeko erabili den bide oro kode etikoari egindako eraso bezala har daiteke.
 - Botere hori lortzeko erabili den bide oro kode etikoari egindako eraso **tzat** har daiteke.